



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

3. Veterum Patriarcharum honorifica sepultura.

**urn:nbn:de:hbz:466:1-45701**

Corpsque lauant frigentis, & unguunt.

De CHRISTI autem sepultura Iſaias vaticinatur: *In die illa, radix Jesse, qui stit in signum populorum, ipsum gentes deprecabuntur, & erit sepulchrum eius gloriosum.* Quàm gloriosum? Primum Ioseph ab Arimathæa, potestate à Pilato obienta, corpus ex infami ligno remouit. Dein venit & Nicodemus ferens mixturam myrrha & aloës quasi libras centum. Acceperunt ergo corpus IESV, & ligauerunt illud linteis, ( seu inuoluerunt in sindone munda, quæ seruat in Taurini, sicut sudarium, quod fuerat super caput eius, Mogantiæ ) cum aromatibus sicut mos est Iudæis sepelire. Erat autem in loco, ubi crucifixus est, hortus; & in horto monumentum nouum, in quo nondum quisquam positus fuerat. Ibi ergo propter Parasceuen Iudæorum, quia iuxta erat monumentum, posuerunt IESVM. Quàm hoc monumentum nobile fuit? Ipsi Angeli, relicto cælo, in eo sederunt, & stellarum instar splenduerunt. Frequentârunt illud tres Mariæ, uisitârunt Apostoli; & ex eo usq; tempore, per ipsos Christiani nominis acerrimos hostes, hodieque pietatis causa, ad illud solent proficisci Christi amatores non pauci. De quo glorioso sepulchro Beda, Baronius, Gretserus, alijque complures copiosè scripserunt. Quin & in omnibus Catholicorum, templis sepulchra quæ ot annis extruuntur, quæ gloriam sepulchri illius populo repræsentent. Hunc sepulchri honorem Seruator mille titulis meruit.

Isa. II. 108

VI

Idem habet Matth. 27. 57.

Idem habet

Idem habet

Meruerunt & alij olim quoque sepultura honorati. Sic Saram sepeliuit Abraham, Abrahamum Isaac: Saram quidem, in spelunca agri duplici, quæ respiciebat Mambre, hæc est Hebron, in terra Chanaan. Et confirmatus est ager, & antrum, quod erat in eo, Abræ in possessionem monumenti à filiis Heth. De Abraham autem legimus: *Et deficiens mortuus est in senectute bona prouecta q; ætatis, & plenus dierum: congregatusq; est ad populum suum. Et sepelierunt eum Isaac & Ismaël filij sui in spelunca duplici, quæ sita est in agro Ephron filij Seor Hethæi, e regione Mambre, quem emerat à filiis Heth: ibi sepultus est ipse, & Sara uxor eius.* Iacob moriturus filijs benedixit: *Et præcepit eis dicens: Ego congregor ad populum meum: sepelue me cū patribus meis in spelunca duplici, quæ est in agro Ephron Hethæi, contra Mambre in Terra Chanaan, quem emit Abraham.*

III.

Gen. 23. 19.

Gen. 25. 8.

Gen. 49. 29.

Tertio 3 cum

cum agro ab Ephron Hethæo, in possessionem sepulchri. Ibi sepelierunt eum, & Saram uxorem eius: ibi sepultus est Isaac cum Rebecca coniuge sua: ibi & Lia condita jacet. Nihil splendida horum Patriarcharum sepultura pungit curiosos. Honorem, quem habent, meruerunt. Ita vixerunt, vt etiam mortuorum ossibus reuerentia deberetur.

## IV.

Sapi. 18. 11.

Eccl. 6. 3.

S Augustin.

lib. de cura  
pro mora.  
hab. cap. 7.  
Ierem. 8. 1.

Ierem. 14. 16.

cap. 6. 4.

Ierem. 22. 18.

Sed neque, si mali malè sepeliantur, scrupulum mouet; immò neque si insepulti volucris in escam dantur. De Ægyptijs à diuino zelo percussis dicit Scriptura: *Similiter omnes, vno nomine mortis, mortuos habebant innumerabiles. Nec enim ad sepeliendum vini sufficiebant.* Hæc plagâ dignerant. Quare iusta debet, non dura vocari. Exposita sunt cadauera mortuorum, oculis transeuntium, vt desinerent mortem promereri, immò quia meruerant, dum infantes Hebræorum ipsi exponerent, vt vicissim & ipsi exponerentur. Esse hoc genus pœnæ admodum graue Ecclesiastes docet illis verbis: *Si genuerit quis plures centum liberos, & vixerit multos annos, sepulturaq; careat, de hoc ego pronuntio, quòd melior illo sit abortiuus.* Et in regnorum libris, ait S. Augustinus, inuenitur, *Deum per Prophetam minari alteri Prophetæ, qui eius transgressus est verbum, quòd non inferetur cadauer eius in sepulchrum patrum eius.* Minatur hoc & Ieremias his verbis: *In illo tempore, ait Dominus: Eycient ossa regum Iuda, & ossa Principum eius, & ossa Sacerdotum, & ossa Prophetarum, & ossa eorum, qui habitauerunt Ierusalem, de sepulchris suis: & expandent ea ad solem & lunam, & omnem militiam cali, qua dilexerunt, & quibus seruierunt, & post qua ambulauerunt, & qua quæserunt, & adorauerunt: non colligentur, & non sepelientur, in sterquilinum, super faciem terra erunt.* Et alio loco: *Et non erit qui sepeliat eos; ipsi & uxores eorum, filij & filia eorum: & effundam super eos malum suum.* Rursumque alibi: *Non plangentur, & non sepelientur, in sterquilinum super faciem terra erunt: & gladio & fame consumentur: & erit cadauer eorum in escam volatilibus cali, & bestijs terra.* Ac paulò post: *Et morientur grandes, & parui in terra ista: & non sepelientur, &c.* Ad Ioachim filium Iosia regem Iuda, hæc dicit Dominus: *Sepultura asini sepelietur, putrefactus & proiectus extra portas Ierusalem.* Tales, inutilia terræ pondera, indigni sunt quos